

2. Iznos dječijeg dodatka (5% od prosječne plaće)	28,00 KM
3. Iznos dječijeg dodatka bez cenzusa (7,50% od prosječne plaće)	42,00 KM
4. Naknada porodiljama u radnom odnosu (60% od prosječne plaće) 569,46 x 60% = (neto iznos)	342,00 KM
5. Naknada porodilji u radnom odnosu ne može biti manja od najniže plaće u skladu sa propisima Vlade Federacije, odnosno Općim kolektivnim ugovorom koja se utvrđuje za svaki mjesec (u daljem tekstu: najniže plaće)	
6. Naknada porodilji koja nije zasnovala radni odnos najmanje 6 mjeseci prije porođaja utvrđuje se u iznosu 50% od najniže plaće	
7. Visina naknade porodilji po isteku ugovora (20% od prosječne plaće)	114,00 KM
8. Visina naknade plaće ženi-majci koja rodi mrtvo dijete ili dijete umre prije isteka porodiljskog odsustva ostvaruje se u iznosu najniže plaće.	
9. Visina novčane pomoći porodilji koja nije u radnom odnosu ili se nalazi na redovnom školovanju 20% od prosječne plaće	114,00 KM
10. Visina novčane pomoći porodilji koja rodi mrtvo dijete ili dijete umre u toku korištenja prava - u trajanju od 45 dana nakon smrti djeteta (20% od prosječne plaće)	114,00 KM
11. Jednokratna pomoć za opremu novorođenog djeteta (35% od prosječne plaće)	199,00 KM
12. Pomoć u prehrani djeteta do šest mjeseci ili dodatna ishrana za majke dojilje 8% od prosječne plaće	46,00 KM
13. Visina prihoda po članu domaćinstva za ostvarivanje prava na subvencioniranje troškova boravka djeteta u predškolskoj ustanovi, pod uvjetom da ispunjava ostale kriterije za ostvarivanje prava na dječiji dodatak (35% od prosječne plaće)	199,00 KM
14. Zdravstvena zaštita po nosiocu osiguranja	20,00 KM

Ova naredba će se primjenjivati od dana stupanja na snagu Uredbe o visini prosječne neto plaće ostvarene u Kantonu Sarajevo u prethodnoj kalendarskoj godini ("Službene novine Kantona Sarajevo", broj 10/03) i objavit će se u "Službenim novinama Kantona Sarajevo".

Stupanjem na snagu ove naredbe prestaje da važi Naredba o iznosima po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 20/02).

Broj 13-01-35-8779/03
23. maja 2003. godine
Sarajevo

Ministar
Hajrudin Ibrahimović, s. r.

UPUTSTVO

O PRIMJENI ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM ("SLUŽBENE NOVINE KANTONA SARAJEVO", br. 16/02 i 8/03)

I - OPŠTE ODREDBE

1. a) Prebivalište iz člana 6. Zakona dokazuje se jednim od slijedećih dokumenata: kopijom lične karte, potvrdom o prijavi prebivališta, uvjerenjem o kretanju nadležne Policijske uprave, a za raseljena lica osim navedenih dokumenata i rješenjem o statusu raseljenog lica.

b) Dokaz da je lice imalo prebivalište na području Kantona 30.4.1992. godine dokazuje se uvjerenjem o kretanju, a status povratnika u Kanton dokazuje se rješenjem ili uvjerenjem nadležnog općinskog organa.

2. Prihodi iz člana 8. Zakona se dokazuju odgovarajućom potvrdom ili uvjerenjem od nadležnog organa, privrednog ili drugog subjekta koje ne smije biti starije od 6 mjeseci.

3. a) Dokaz da je neko vlasnik motornog vozila utvrđuje se uvidom u uvjerenje ili potvrdu nadležne Policijske uprave za sve članove domaćinstva.

b) U slučajevima kada postoji dokaz iz nadležne PU da niko od članova domaćinstva nije vlasnik motornog vozila podnosilac zahtjeva mora dati ovjerenu izjavu pod moralnom, materijalnom i krivičnom odgovornošću da on niti članovi njegovog domaćinstva nisu posjednici vozila.

4. Dokaz da je ostvareno ili se može ostvariti pravo na uvoz ili kupovinu auta na domaćem tržištu kao ortopedskog ili drugog pomagala bez plaćanja carine i poreza su propisi iz carinske politike.

II - SOCIJALNA ZAŠTITA

1. 1. Za ostvarivanje prava na stalnu novčanu pomoć potrebna je sljedeća dokumentacija:

- a. zahtjev,
- b. lična karta podnosioca zahtjeva,
- c. potvrda o prijavi prebivališta
- d. rješenje o statusu raseljenog lica,
- e. potvrda mjesne zjednice o broju članova domaćinstva ili kućna lista
- f. uvjerenje o kretanju za povratnike u Kanton,
- g. izvod iz matične knjige rođenih ili lična karta za članove domaćinstva,
- h. medicinska dokumentacija za lica mlada od 60 godina (žene) ili 65 godina (muškarci),
- i. potvrda o redovnom pohađanju škole,
- j. dokazi o prihodima domaćinstva (ček od penzije, uvjerenje da nisu korisnici prava po osnovu BLZ-a, CZR, uvjerenje o poreskom zaduženju, potvrda o visini plaće i dr.),
- k. uvjerenje da nije vlasnik automobila (nadležna PU MUP-a),
- l. pismena izjava da ne posjeduje vozilo,
- m. potvrda ili uvjerenje o vlasništvu kuće ili stana (katastar, grunt, MZ, općinski organ-ukoliko je podnesen zahtjev za legalizaciju), utvrđivanje na licu mjesta i svjedoci,
- n. dokaz o kvadraturi stambenog prostora.

2. Veličina kuće ili stana kao uvjet za ostvarivanje prava na stalnu novčanu pomoć je:

- a) za jednočlano domaćinstvo 44 m² stambenog prostora, za svakog narednog člana domaćinstva ova kvadratura se uvećava za 10 m² stambenog prostora.
- b) Vlasnici kuća ili stanova koji prelaze utvrđenu kvadraturu stambenog prostora ne smatraju se licima u stanju socijalne potrebe, izuzev ukoliko je:
 - stan ili kuća devastirana ili neuslovna za stanovanje
 - višak stambenog prostora nemoguće koristiti za iznajmljivanje kao stambeni ili poslovni prostor ili druge komercijalne svrhe o čemu zaključak donosi stručni tim Službe socijalne zaštite, nakon uvida u socijalnog radnika.
3. Nadležni organ koji daje ocjenu za siguran povratak u smislu člana 24. Zakona, je Kantonalno ministarstvo za rad, socijalnu politiku, raseljena lica i izbjeglice - Sektor za raseljena lica i izbjeglice.

1.2. - TUDA NJEGA I POMOĆ

1. Stara i nemoćna lica su ona koja prelaze 60 godina (žene) odnosno 65 godina (muškarci).
2. Služba socijalne zaštite će u postupku ostvarivanja ovog prava, vezano za stara i nemoćna lica (60 godina za žene, odnosno 65 godina za muškarce) postupiti na slijedeći način:
 - a) Lica koja su po bilo kom osnovu, pravo na njegu i pomoć od strane drugog lica ostvarile prije 60 godine odnosno 65. godine života, to pravo će i dalje ostvarivati u stepenu već utvrđenom u prethodnom postupku.
 - b) Za lica koja su pravo na njegu i pomoć od strane drugog lica ostvarila nakon 60 godine odnosno 65 godine života pristupiće se utvrđivanju imovinskog cenzusa u skladu sa članom 26. Zakona o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo.
 - c) Ukoliko lice koje ima više od 60 odnosno 65 godina prvi put podnosi zahtjev za njegu i pomoć od strane drugog lica prvo će se pristupiti utvrđivanju imovinskog cenzusa, pa u koliko ispunjava taj uvjet uputit će se na nadležnu ljekarsku komisiju.
3.
 - a) Korisnici koji su po ranijem Zakonu ostvarili pravo na njegu i pomoć od strane drugog lica u visini 100% potrošačke korpe a ne mogu se svrstati u grupu starih i nemoćnih lica, razvrstavaju se u prvi stepen iz člana 28. Zakona.
 - b) Korisnici koji su po ranijem Zakonu ostvarili pravo na njegu i pomoć od strane drugog lica u visini 80% potrošačke korpe a ne mogu se svrstati u grupu starih i nemoćnih lica, razvrstavaju se u drugi stepen iz člana 29. Zakona.
4. a) Korisnik prava na njegu i pomoć od strane drugog lica može se izjasniti da umjesto novčane naknade za pomoć i njegu od strane drugog lica, ostvaruje pravo na kućnu njegu i pomoć u kući.

1.3.-OSPOSOBLJAVANJE ZA ŽIVOT I RAD

1. Da bi se moglo ostvariti pravo na materijalnu naknadu nakon što zaposleno lice izgubi posao bez svoje krivice dužno je priložiti slijedeća dokumenta:
 - rješenje o prestanku radnog odnosa iz koga se mogu vidjeti razlozi prestanka radnog odnosa,
 - dokaz od nadležnog organa da je iskoristio pravo po osnovu propisa iz radnog odnosa,
 - potvrda da se nalazi na evidenciji Službe za zapošljavanje,
 - dokaz da je koristio ili je imao pravo koristiti materijalnu naknadu prije zaposlenja (ček, rješenje itd), dokaz o završenom osposobljavanju za život i rad i rehabilitaciju.

Gradsko vijeće

Na osnovu člana 56. stav 2. Zakona o prostornom uređenju Kantona Sarajevo ("Službene novine Kantona Sarajevo", br. 13/99, 19/99, 24/01 i 32/01 - ispravka) i člana 15. stav 1. tačka 1. i člana 24. stav 1. tačka 2. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće je na sjednici održanoj dana 27. maja 2003. godine, donijelo

1.4. - SMJEŠTAJ

- a) Kad se radi o smještaju raseljenih lica u ustanove ili porodice, ili osposobljavanju za život i rad djece koja su smještena na cjelodnevni ili internatski boravak provest će se postupak, nakon čega se spis upućuje Sektoru za raseljena lica.
- b) Izuzetno ako se radi o hitnosti smještaja, smještaj će se izvršiti a spis naknadno dostaviti Sektoru za raseljena lica radi davanja saglasnosti.
- c) Stručni tim službe socijalne zaštite donosi zaključak kojim daje mišljenje o smještaju i visini učešća srodnika u snošenju troškova smještaja korisnika u drugu porodicu ili ustanovu socijalne zaštite.

III - CIVILNE ŽRTVE RATA

1. Visina stope doprinosa za civilne žrtve rata ako zdravstvenu zaštitu ne ostvaruju po drugom osnovu, regulisana je Odlukom o osnovicama i stopama doprinosa za obavezno zdravstveno osiguranje Kantona Sarajevo ("Službene novine Kantona Sarajevo", broj 11/00).

IV - ZAŠTITA PORODICE SA DJECOM

1.1. Dječiji dodatak

1. Ukoliko se pravo na dječiji dodatak ostvaruje po osnovu boravišta, to pravo se može ostvariti samo pod uvjetom da se isto pravo ne ostvaruje u mjestu prebivališta. U slučajevima kada se radi o raseljenim licima iz Republike Srpske kojima je regulisan status raseljenog lica tada se ne mora tražiti od tih lica da dostave dokaz da ne ostvaruju pravo u mjestu prebivališta već samo rješenje da je regulisan status raseljenog lica.
2. Dokaz da li je neko vlasnik preduzeća ili samostalne radnje ili ima registrovanu dopunsku djelatnost pribavlja se iz poreske uprave.

1.2. Smještaj djece uz osiguranu ishranu u ustanovama predškolskog odgoja

1. Visinu subvencije smještaja djeteta u predškolskim ustanovama te prava porodica koje smještaju više od jednog djeteta i drugi kriteriji utvrđeni su Uredbom o subvencioniranju troškova boravka djece u predškolskim ustanovama na području Kantona Sarajevo ("Službene novine Kantona Sarajevo", broj 23/02).

Ovo uputstvo stupa na snagu danom objavljivanja u "Službenim novinama Kantona Sarajevo".

Broj 13-02-9299
29. maja 2003. godine
Sarajevo

Ministar
Hajrudin Ibrahimović, s. r.

GRAD SARAJEVO

ODLUKU

O IZMJENAMA I DOPUNAMA REGULACIONOG PLANA "KOŠEVSKO BRDO"

Član 1.

Usvajaju se Izmjene i dopune Regulacionog plana "Koševo Brdo" ("Službene novine Grada Sarajeva", br. 8/73, 18/78, 13/85, 22/89, 2/90, 19/90, 22/90 i 16/91) u dijelu lokaliteta "Zuko Džumhur" i lokaliteta za izgradnju vjerskog objekta" (u daljem tekstu: Plan).

Član 2.

Plan se sastoji od tekstualnog dijela i grafičkog dijela.